



Број 8
Октобар 2011.

INFORMATIVNI BILTEN

BRIGADE TAKTIČKE PODRŠKE OS BiH

PODJELA ŠKOLSKOG PRIBORA PRVAČIĆIMA



U nizu došadanih humanitarnih akcija koje je organizovala i podržala brTP, u augustu 2011. godine u Komandi i potčinjenim jedinicama Brigade taktičke podrške finalizirana je dobrovoljna akcija prikupljanja novčanih sredstava za akciju opremanja školske djece, prvačića, pod geslom „Danas pomažemo drugom da bude obrazovan i koristan član zajednice“.

Shodno tome 06.09.2011. godine u prostorijama Komande brigade taktičke podrške u kasarni „Rajlovac OS BiH“, uz prisustvo roditelja, prestavnika socijalnih službi i ključnog personala Brigade taktičke podrške, uručen je školski pribor za 26 prvačića najugroženijih kategorija iz općina Bugojno, Derventa, Pale, Rogatica, Živinice, Tuzla, Mostar i Čapljina.

Od ukupno prikupljenih novčanih sredstava u iznosu od 4.207,00 KM, prvačićima su obezbijedjeni školski ruksaci i pribor, te novčana sredstva u iznosu od po 100 KM koje su uručili brigadir mr. Esad Šejtanić, komandant Brigade taktičke podrške, i brigadir Nenad Garić načelnik Štaba brigade taktičke podrške sa saradnicima iz Komande brTP i potčinjenih jedinica.

ПОСЈЕТА СТУДЕНАТА БРИГАДИ ТАКТИЧКЕ ПОДРШКЕ И КАСАРНИ „РАЈЛОВАЦ ОС БиХ“

У оквиру НАТО промотивних активности септембар-новембар 2011.године, Бригаду тактичке подршке и војну локацију „Рајловац ОС БиХ“ 28.09.2011. године посетили су студенти Америчког универзитета из Сарајева. Студенте је у Команди Бригаде тактичке подршке дочекао и добродошлицу им изразио пуковник Боžo Маријан. Након уводног обраћања пуковника Боже Маријана и представника НАТО-а пук. Моире Царпентер за студенте је уприличен информативни брифинг са циљем упознавања посетилаца са информацијама везаним за Бригаду тактичке подршке и војну локацију „Рајловац ОС БиХ“. Након информативног обраћања студенти су у пратњи домаћина обишли Команду Бригаде тактичке подршке и војну локацију „Рајловац ОС БиХ“ гдје им је уприличен тактичко-технички збор гдје су студенти имали прилику да се упознају са људством и средствима батаљона војне полиције, војнообавјештајног батаљона, дијелова људства и средстава деминерског батаљона, те да прате методско-показну вјежбу бВП на тему „Упад у објекат и рјешавање талачке ситуације“.

У току посјете војној локацији „Рајловац ОС БиХ“ студенти су се упознали и са људством и средствима 2. хеликоптерског сквадрона гдје су могли да виде хеликоптере УН 1Н.

На крају је са студентима Америчког универзитета из Сарајева уприличен пријем и дружење у војничком клубу Бригаде тактичке подршке са кључним персоналом Команде Бригаде тактичке подршке. Ово дружење су студенти искористили да добију додатне информације на теме које су за све њих појединачно биле посебно интересантне током обиласка, а исто тако су изразили велико задовољство и захвалност на гостопримству и што су, како они кажу, створили реалну слику о Оружаним снагама БиХ и са позитивним мишљењем напустили касарну.



MANIFESTACIJA „DANI OTVORENIH VRATA“ U VOJARNI „RAJLOVAC OS BiH“



U cilju predavljanja Oružanih snaga Bosne i Hercegovine i uspostave suradnje sa lokalnom zajednicom na lokaciji vojarnе OS BiH "Rajlovac" je 21.09.2011.godine održana manifestacija pod nazivom "Dani otvorenih vrata". Na ovoj manifestaciji se predstavila Brigada taktičke potpore, s dijelom svojih sredstava i opreme. Brigada taktičke potpore je najkompleksnija brigada OS BiH, formacijski najmnogoljudnija, u cijeloj svojoj strukturi multietnička, specijalistički najzahtjevnija i lokacijski najrasprostranjenija. Njena posebna specifičnost je u tome što je nositelj šest rodova OS BiH, ai sedmi je kroz vojnu policiju kao elitnu postrojbu OS BiH itekako zastupljen.

I pored loših vremenskih prilika, vojarnu "Rajlovac OS BiH" posjetilo je oko 500 učenika s učiteljima, nastavnicima i profesorima iz osnovnih i srednjih škola Kantona Sarajevo i Istočnog Sarajeva i to: OŠ "Avdo Smajlović", OŠ "Dobroševići", OŠ "Umihana Čuvidina", OŠ "Alija Nametak", OŠ "Jovan Dučić", Istočna Ilidža, OŠ "Đulistan", Plijaš, "Perzijsko - Bosanski koledž" Plijaš, "IV Gimnazija" Ilidža, "Katolički školski centar" Stup, "Gimnazija "Istočno Sarajevo" i "Željeznički školski centar" Sarajevo.

Veliku pažnju, pored prezentacije navedenih sredstava i opreme, posjetiocima su privukle vježbe koje su izveli pripadnici Bojne vojne policije pod nazivom "Pratnja VIP osobe" i "Rješavanje talačke krize", te priprema posade i uzlijetanje helikoptera.

BAJRAMSKI PRIJEM U KASARNI „RAJLOVAC OS BiH“

U ugodnoj atmosferi i dobrom raspoloženju na vojnoj lokaciji „Rajlovac OS BiH“, 05.09.2011.godine, Komanda brigade taktičke podrške organizovala je prijem i druženje povodom Ramazanskog bajrama. Na prijemu su prisustvovali pripadnici komande brTP i jedinica stacioniranih na vojnoj lokaciji „Rajlovac OS BiH“. Tom prilikom, prisutnima je o značaju Bajrama u tradiciji Muslimana govorio brigadni imam Nesib ef. Hadžić.

Kao domaćin ovoga prijema prisutnima se prigodnim riječima obratio komandant brTP brigadir mr. Esad Šejtanić koji je ukazao na značaj i važnost svih okupljanja pripadnika OS BiH, te uputio bajramsku čestitku i prigodnu poruku prisutnima.



PREDAVANJE U REALIZACIJI NATO ŠTABA ZA PRIPADNIKE BRIGADE TAKTIČKE PODRŠKE



Komandant Brigade taktičke podrške brigadir mr. Esad Šejtanić na vojnoj lokaciji kasarne OS BiH „Rajlovac“ u Rajlovcu, 15.09.2011.godine, primio je zamjenika komandanta NATO štaba u Sarajevu brigadir dr. John Andreas Olsen.

Brigadir dr. John Andreas Olsen je održao predavanje za pripadnike Brigade taktičke podrške, na temu „Novi strateški koncept NATO-a“. Predavanje je organizovano kao dio programa javnih tribina i okruglih stolova NATO štaba u Sarajevu, s ciljem informisanja pripadnika Ministarstva odbrane BiH i OS BiH o strukturi i ulozi NATO-a, te značaju programa koji se sprovode u okviru NATO programa „Partnerstvo za mir“ i evroatlantskih integracija.

Na kraju posjete brigadir Šejtanić zahvalio se Zamjeniku komandanta NATO-a na posjeti i pomoći koju NATO štab Sarajevo pruža Ministarstvu odbrane i Oružanim snagama BiH, što je od velikog značaja i doprinosa za Oružane snage BiH.



ПРИМО - ПРЕДАЈА ИНЖИЊЕРИЈСКИХ РАДОВА У ОПШТИНАМА ТРНОВО РС И ФБИХ

Припадници инжињеријског батаљона Бригаде тактичке подршке су у периоду од 16.05. до 17.08.2011. године на територијама општине Трново у Федерацији Босне и Херцеговине и општине Трново у Републици Српској извршили санацију локалних макадамских путева у дужини од 61,500 метара које су услед атмосферских падавина биле видно оштећене.

Ове путне комуникације су од великог значаја за становништво околних села пошто им представљају једину везу са урбаним дијелом својих општина и обезбјеђују основне услове за нормалан живот и рад. Мјештани локалних села су задовољни квалитетом реализованих радова од стране припадника инжињеријског батаљона.

У просторијама начелника општине Трново, 05.09.2011.године, извршена је примопредаја инжињеријских радова потписана од стране начелника општине Трново господина Берило Ибре и господина Горана Вујичића, с једне стране, и пуковника Чубриловић Драгољуба, команданта инжињеријског батаљона брТП, с друге стране.

Примопредаји инжињеријских радова, испред ОК ОС БиХ, присуствовао је замјеник команданта за операције, бригадни генерал Сакиб Форић са сарадницима.



IZVOĐENJE KOMBINIRANOG MARŠA ZAPOVJEDNIŠTVA BRIGADE TAKTIČKE POTPORE



Na temelju Godišnjeg plana izobrazbe za 2011.godinu, pripadnici Zapovjedništva Brigade taktičke potpore su 22.09.2011.godine realizirali kombinirani marš na relaciji vojarna "Rajlovac OS BiH" - Konjic - objekt D-0 .

Nakon izvedenog marša, pripadnici Zapovjedništva brTP su posjetili objekt D -0 koji većina pripadnika nisu imali priliku ranije vidjeti i bili su vrlo oduševljeni ovim impozantnim objektom koji je sačuvan u originalnom stanju.

Marševanje je redovita aktivnost koja se izvodi s ciljem održavanja i unapređivanja razine fizičke sposobnosti djelatnih vojnih osoba, što su i sada pripadnici Zapovjedništva brTP bez poteškoća realizirali.

DOBROVOLJNO DARIVANJE U KASARNI „RAJLOVAC OS BiH“

Na vojnoj lokaciji kasarne „Rajlovac OS BiH“ je 15.09.2011.godine, po treći put u ovoj godini, organizirano je dobrovoljno davanje krvi. Akcija dobrovoljnog darivanja krvi je realizirana u saradnji sa Zavodom za transfuzijsku medicinu F BiH iz Sarajeva.

Kao i u prethodne dvije akcije i ovaj put se odazvao veliki broj PVL i CL, tako da je dobrovoljnom davanju krvi pristupilo ukupno 37 lica.

Na kraju je izraženo zadovoljstvo zbog velikog broja ljudi koji su se odazvali ovoj akciji kao i dobrom pripremom i organizacijom u prostorijama kasarne „Rajlovac OS BiH“.



SPORTSKO TAKMIČENJE NA NIVOU BRIGADE TAKTIČKE PODRŠKE



U cilju odabira najboljih pojedinaca koji će činiti ekipu brTP na predstojećim takmičenjima na nivou OS BiH, 20.09.2011.godine u Rajlovcu je održano sportsko takmičenje u malom nogometu i polumaratonu. U malom nogometu najuspješnija je bila ekipa inženjerskog bataljona, drugo mjesto zauzela je ekipa okb i čABHO, dok je treće mjesto pripalo bVP i deminerskom bataljonu.

Nakon odigranih utakmica izvršene je selekcija igrača, tako da će ekipu brTP u malom nogometu predstavljati: OF5 Nenad Garić – vođa tima, OF4 Božo Marijan – član tima za selekciju igrača, OF2 Senad Pašić – trener ekipe, igrači: OF3 Damjan Sukara, OF1 Nemanja Bjelogrić, OR7 Safet Somun, OR7 Vladimir Kulašinac, OR3 Miroslav Kafadar, OR1 Asmir Somun, OR1 Semir Sarajkić, OR1 Senad Sarajkić, OR1 Adnan Herak, OR1 Muharem Kondić, OR1 Sanjin Knežević, OR1 Davor Prc, OR1 Mensur Kapetanović i OR1 Mirza Smajlović.



Sa vođom ekipe u polumaratonu OR7 Rešadom Hasanbegović, ekipu brTP u konkurenciji za muškarce će predstavljati OR5 Slađan Šiljak, OR3 Ilija Mehić, OR1 Senad Softić, OR1 Armin Hodžić, OR1 Omer Selimbašić OR1, OR1 Mirel Ferhatović i OR1 Elmedin Spahić, dok će u konkurenciji za žene brTP predstavljati OR1 Merima Omerović, OR1 Nejra Pilav, OR1 Bosiljka Curović, OR1 Dženaida Smječanin i OR1 Alma Koprdža.

Nakon završenih sportskih aktivnosti, načelnik Štaba brTP, brigadir Nenad Garić se zahvalio svim učesnicima na uloženom trudu i zalaganju, te im poželio uspjeh u daljim takmičenjima.

STRUČNO – SPECIJALISTIČKA IZOBRAZBA VOJNE POLICIJE

U bojni Vojne policije je 19.09.2011.godine otpočela stručno-specijalistička izobrazba za nominirane pripadnike OS BiH za popunu upražnjenih mjesta u postrojbama VP. Da bi pristupili izobrazbi vojnog policajca kandidati su morali zadovoljiti vrlo visoke standarde, kao što su: službena ocjena nije smjela biti ispod odličan, provjera testa tjelesne spremnosti morala je zadovoljiti najmanje 80% od standarda, te da su psihofizički zdravi i da posjeduju visoke moralne kvalitete. Nakon izvršene selekcije kandidata počinje vojnopolicijska izobrazba, gdje će kandidati biti obučavani u izvršavanju vojnoredarstvenih radnji i postupaka, primjeni ovlasti i službi vojne policije, a uporedno s ovom nastavom kandidati će imati fizičke treninge da na kraju testa ispune fizičke norme po standardu od 100%. Samo kandidati koji ispune normu i uspješno završe izobrazbu moći će dobiti raspored u postrojbe vojne policije Oružanih snaga Bosne i Hercegovine. Najbolji među polaznicima će biti raspoređeni u Bojnu vojne policije Brigade taktičke potpore.



ИНЖИЊЕРИЈСКИ РАДОВИ У ОПШТИНИ ДЕРВЕНТА



Припадници инжињеријског батаљона брТП су ангажовани на још једном цивилном пројекту који се реализује на подручју општине Дервента. Ријеч је о санацији локалних макадамских путева у повратничким селима који су почели 12.септембра 2011. године, а завршетак је планиран најкасније до 10.октобра 2011.године.

Ово је веома значајан пројекат за локално становништво које ће након ових радова имати много боље услове за развој својих заједница што доприноси и просперитету општине.

При реконструкцији ових путева на дужини око 10 км врши се уклањање вегетације и равнање терена, израда нових и чишћење постојећих подужних канала, нивелисање постојеће трасе пута, припрема, утовар, транспорт, те уградња са планирањем и ваљањем тампонског материјала у слоју до 20 цм на трасу путева.

POSJETA DELEGACIJE OS SAD BATALJONU VOJNE POLICIJE

Brigadir mr. Esad Šejtanić primio je 14.09.2011.godine vojnu delegaciju OS SAD-a na lokaciji kasarne „Rajlovac OS BiH“. Brigadir Šejtanić se zahvalio predstavnicima OS SAD-a na pomoći koju pružaju Oružanim snagama Bosne i Hercegovine, a posebno je istakao ostvarenu saradnju sa Nacionalnom gardom iz Savezne države Meriland.

Brigadir Šejtanić je tokom brifinga upoznao delegaciju OS SAD sa osnovnim karakteristikama Brigade taktičke podrške i Bataljona vojne policije, a gosti iz OS SAD imali su priliku da se uvjere u obučenost dva deklarirana vođa i spremnost istih za upućivanje u PSO kao implementaciju partnerskog cilja L0047 “DOPRINOS BORBENOJ PODRŠCI”.

Nakon završenog brifinga, pomenutoj delegaciji pripadnici bVP su se predstavili kroz izvođenje metodsko-pokaznih vježbi, demonstraciju radnji i postupaka u toku pratnje i osiguranja VIP osoba, te su realizirali temu “uspostava i rad na kontrolnoj tački” (CHECK POINT).

Također, delegacija je prisustvovala izvođenju vježbe upad u objekat i rješavanje talačke krize.



„DANI OTVORENIH VRATA“ U VOJARNI A.LJ.ŠUTAK - BUGOJNO



U vojarni „Admir Ljubuškić Šutak“ u Bugojnu je 08.09.2011.godine realizirana aktivnost pod nazivom „Dani otvorenih vrata“. Ova manifestacija je po prvi put organizirana i realizirana u ovoj vojarni i imala je za cilj predstavljanje deminerske bojne brTP i jačanje suradnje sa civilnim organizacijama i institucijama na području razmještaja.

Zapovjednik deminerske bojne pukovnik Dževad Zenunović je poželio dobrodošlicu nazočnima, iste je upoznao sa značajem i ciljem ovakvog oblika civilno-vojne suradnje i nazočne ukratko upoznao sa najvažnijim zadacima i aktivnostima deminerske bojne.

Ovo je izuzetna prilika da se predstavnici civilnih organizacija i institucija upoznaju sa načinom funkcioniranja, životom i radom jedne od postrojbi OS BiH, te da vide i saznaju nešto više o naoružanju i opremi na upotrebi u OS BiH.

Aktivnosti „Dani otvorenih vrata“ su realizirani kroz taktičko tehnički zbor, gdje se kroz osam radnih točki prezentirala deminerska oprema, oprema koju koriste pripadnici čete za NUS, kao i praktične radnje deminera u minskom polju, koja se realizovala na improviziranom deminerskom radilištu koje je bilo postavljeno u krugu vojarne.

Također, pored edukativnog dijela programa koji je bio dosta interesantan za posjetioce, organizirana je i podjela vojničkog graha za sve posjetioce. Ovoj manifestaciji, pored predstavnika općine Bugojno, nazočili su predstavnici LOT-timova iz Travnik, profesori i nastavnici iz osnovnih i srednjih škola sa teritorije općine Bugojna.

„DANI OTVORENIH VRATA“ U VB DUBRAVE

U cilju uspostavljanja što boljih odnosa sa lokalnom zajednicom, te prikazivanja OS BiH u što boljem svjetlu, u Vojnoj bazi „Aerodrom Dubrave“ 14.09.2011.godine održana je manifestacija „Dani otvorenih vrata“. Na manifestaciji je prikazan dio sredstava i opreme jedinica BrTP.

Učešće na manifestaciji dali su svi bataljoni iz sastava Brigade taktičke podrške. U posjeti su bili učenici osnovnih škola Dubrave i Dubrave Gornje. Posjetioci su mogli da vide razna i interesantna sredstva i naoružanje OS BiH.

Naročitu pažnju je privukla praktična demonstracija oklopnih vozila na poligonu, upotreba dekontaminacione stanice, funkcionisanje sredstava veze i sve ostale pripremljene tačke.

Nakon obilaska manifestacije i prikazanih praktičnih vježbi, posjetioci su otišli na malu zakusku sa učesnicima manifestacije. Manifestaciju su pratili i medijske kuće iz BiH i regiona i to novinska agencija Srna, Radio televizija Slon i Federalna Televizija. Značaj ovakvih manifestacija je, između ostalog, sticanje povjerenja lokalne zajednice prema OS BiH, te poticaj mladih ljudi za vojni poziv.



„DANI OTVORENIH VRATA“ U KASARNI „MILOŠ OBILIĆ“ PALE



U kasarni "Miloš Obilić" Pale 28. 09. 2011.godine održana je manifestacija "Dani otvorenih vrata", u okviru koje su pripadnici Bataljona veze, Deminerskog bataljona, Bataljona vojne policije i Čete ABHO upoznali posjetiioce sa vještinama, sredstvima i opremom koju koriste pripadnici Brigade taktičke podrške OS BiH.

Đomađini manifestacije, pripadnici Bataljona veze, ugostili su oko 150 učenika, nastavnika i predstavnika društveno-političkog i javnog života opština Pale, Prace i Sokolać.

Manifestaciju je proglasio otvorenom komandant kasarne pukovnik Źeljko Brađić, koji je gostima poželio dobrodošlicu.

Nađviše oduševljeđa pokazali su učenici Osnovne škole iz Prace, a na kraju manifestacije svi su izrazili očekivađa da ĥe se ova manifestacija odrđati i iduđe godine i postati tradicionalna.



BOJEVO GAĐANJE PRIPADNIKA OKB IZ PIŠTOLJA

Na osnovu godišnjeg Plana obuke na strelištu „Paša Bunar“ kod Tuzle pripadnici oklopnog bataljona brTP su 07.09.2011. godine izvršili gađanje na rednom broju 1.iz automatskog pištolja M 61/84 „ŠKORPION“7,65 mm i poluautomatskog pištolja M-57 7,62 mm.

Poslije detaljnih priprema pokazani su izvanredni rezultati na gađanju i veoma visok nivo obučenosti pripadnika oklopnog bataljona.

Imajući u vidu da ovu vrstu naoružanja oklopne jedinice duđe kao standardno naoružanje, to još više daje značaj postignutim rezultatima. Gađanju su pristupila vojna lica koja formacijski duđe ovo naoružanje.



РЕАЛИЗАЦИЈА ОБУКЕ НА МИРНИМ ВОДАМА ЗА ПРИПАДНИКЕ ОС БиХ



Припадници инжињеријског батаљона Бригаде тактичке подршке од 12.09. до 30.09.2011. године реализују обуку за припаднике Оружаних снага БиХ на мирним водама у Буковој Греди код Орашја.

У првој седмици обука се реализовала са припадницима 5.пјешадијске бригаде, а у наредне двије ће се изводити и са припадницима 4.пјешадијске бригаде и бригаде тактичке подршке.

Циљ обуке је да се новопрмљени војници упознају са једним од начина у савлађивању водених препрека што је веома значајно са више аспеката. Један од значајнијих циљева је увјежбаност војника да у случају појаве поплава дају свој максимум приликом спашавања људи и имовине. У прошлој години смо били свјedoци како је обученост, увјежбаност и утренираност дошла до изражаја и како су припадници Оружаних снага БиХ дали немјерљив допринос у датој и сличним ситуацијама.

Припадници инжињеријског батаљона реализују активности из Плана обуке са тежиштем на сљедеће теме: Карактеристике водених препрека и објеката на њима, Средства и опрема за савлађивање водених препрека, Пловидба чамцима и Употреба чамаца од неопрена у спашавању од поплава, а као врхунац обуке је пети дан када се одржава такмичење у савлађивању водених препрека.

ТЕЧАЈ ENGLESKOG JEZIKA ZA DEMINERE

У војарни OS BiH "Admir Ljubuškić Šutak" у Bugojnu 09. 09. 2011. године upriličena је церемонија уручења сертификата припадницима OS BiH који су успјешно завршили течај енглеског језика.

Течај је организован искључиво за припаднике деминерске бојне, а похађало га је 11 полазника. Инструктор је био из састава Сређишта за професионални развој OS BiH, потporučник Damir Kapetanović. Pored значаја samog учења енглеског језика, ovaj течај је уједно и рад на implementaciji једног од partnerskih циљева, imenovan као L0047, odnosno "Uporaba operacijskog језика".

Nazočnima су се obratili бојник Rodoljub Manigoda, izvršni časnik у deminerskoј бојни OS BiH, те zapovjednik Sreђишта за професионални развој OS BiH, pukovnik Amer Duraković.

Naredni течај ovog tipa planiran је за listopad ove године.



ОБУКА У ПРУЖАЊУ ПОМОЋИ CIVILNIM VLASTIMA U ODBRANI OD POPLAVA



Kao један од основних задатака misije oklpnog bataljona је i pomoć civilnim strukturama u slučaju elementarnih nepogoda. U cilju stalne pripremljenosti i spremnosti за ovaj zadatak pripadnici oklopng bataljona су u vremenskom periodu od 26.septembra do 30 septembra 2011. године prošli obuku u pružanju pomoći civilnim strukturama u odbrani od poplava.

Obuka је izvedena u kasarni „Sinovi Posavine „ Orašje. Ovu obuku су успјешно realizovali pripadnici 8 i 9 kl. novoprmljenih vojnika raspoređeni u okb nakon realizovane osnovne obuke.

ZAVRŠETAK STRUČNO SPECIJALISTIČKE OBUKE U OKLOPNOM BATALJONU

Po odobrenom Planu SSO u trajanju od 4 sedmice pripadnici okb / brTP су realizovali planirani ciklus stručno specijalističkog osposobljavanja pripadnika 9. klase vojnika raspoređenih са osnovne obuke u okb. Dana 30.09.2011.godine komisija sastavljena od iskusnih starješina komande i jedinica okb је izvršila testiranje vojnika 9. klase (pismeno i praktično). Težište testiranja је bilo praktična provjera znanja na tenku M60A3 u okviru formacijskih mjesta на koja су raspoređeni (nišandžija, poslužilac i vozač). Provjerom znanja svi vojnici успјешно су завршили obuku а najbolje rezultate је postigao voјnik Mustafić Mufid. Bitno је napomenuti да је успјешно obuku i provjeru realizovala i прва žena u okb raspoređena на dužnost poslužioca u tenku, voјnik Klopіć Damira. Sa sigurnošću možemo reći да OS BiH sada imaju јednu generaciju dobro obučениh pripadnika OMJ, sposobnih да успјешно odgovore zadacima formacijskih mjesta на koja су raspoređeni.



POTPISIVANJE UGOVORA O PRODUŽETKU VOJNE SLUŽBE

U kasarni "Admir Ljubuškić Šutak" у Bugojnu 08. 09. 2011. године izvršeno је potpisivanje produžetka ugovora о PVS за 16 pripadnika deminerskog bataljona kojima је ugovor bio istekao са 01.09.2011.godine.

Istima је ugovor produžen do 31.08.2014.godine. Radi се о pripadnicima deminerskog bataljona који су bili raspoređeni u deminerske jedinice на poslovima deminiranja i који će u narednom periodu dati veliki doprinos u ispunjavanju planova PMA.

AKTUELNOSTI IZ ORUŽANIH SNAGA BOSNE I HERCEGOVINE

Оружане снаге БиХ и даље учествују у гашењу пожара



Припадници Оружаних снага Босне и Херцеговине и даље учествују у гашењу пожара на подручју Општине Требиње од 26. до 28. августа 2011. године.

Хеликоптер са посадом и припадници Оружаних снага Босне и Херцеговине су од 21. до 23. августа 2011. године били ангажовани на гашењу пожара на локалитету општина Требиње и Чапљиња.

С обзиром да пожар на подручју Општине Требиње није стављен под контролу, Оружане снаге су од 26. августа 2011. године поновно ангажоване.

У периоду од 26. до 28. августа 2011. године ангажован је хеликоптер Оружаних снага БиХ Ми-8Т са посадом који је избацивањем воде помагао при гашењу пожара на захваћеном подручју Општине Требиње, те је њиме свакодневно вршено извиђање из ваздуха како би се локалним екипама помогло сагледати ситуацију и идентификовати најкритичнија подручја захваћена пожаром.

Поред хеликоптера ОС БиХ са посадом, локалним екипама на терену пожар је помогло гасити и 15 припадника 4. пјешадијске бригаде Оружаних снага БиХ.

Оружане снаге БиХ су и даље у приправности, те ће ако се исказаже поновна потреба пружити подршку цивилним властима при гашењу пожара на подручјима захваћеним ватром.

<http://www.mod.gov.ba/sr/vijest.asp?id=2834>

NATO stožer donirao 5 vozila MO BiH



Zapovjednik NATO stožera u Sarajevu, brigadni general Gary E. Huffman, na prigodnoj ceremoniji 15.09.2011. godine, predao je 5 osobnih vozila Ministarstvu odbrane BiH, kao donaciju NATO stožera u Sarajevu.

Ispred MO BiH motorna vozila je preuzeo pukovnik Zoran Milošević, predstavnik Sektora za logistiku.

Donacija motornih vozila predstavlja nastavak dosadašnje uspješne suradnje koja se sastojala od brojnih vidova pomoći, a također predstavlja svesrdnu i kontinuiranu

potporu Ministarstvu obrane i Oružanim snagama BiH da jačaju svoje kapacitete na putu približavanja članstvu u NATO.

Obostrano je konstatirano da će se plodotvorna suradnja nastaviti i ubuduće.

Prezeta vozila će biti stacionirana na lokaciji u Rajlovcu i koristiće se kao vozila neprikosnovene pričuve MO BiH i za prijevoz VIP - personala .

<http://www.mod.gov.ba/hr/vijest.asp?id=2894>

Donacija Vlade SAD za deminerske jedinice OS BiH



Vlada SAD, putem FMS programa (Foreign Military Service), donirala je Oružanim snagama BiH deminerske robote u vrijednosti 4.056.000 USD, a isporuka opreme obavljena je 23.09. 2011. godine u kasarni „Rajlovac OS BiH.“

Isporučena oprema predstavlja vrhunac tehnologije u oblasti deminiranja, sa kojom su opremljene najmodernije deminerske jedinice u svijetu.

Krajnji korisnik u OS BiH će biti Četa za NUS (neeksplozivna ubojna sredstva) Brigade taktičke podrške OS BiH, čiji su se pripadnici sa ovom opremom susretali u Iraku za vrijeme obavljanja misije „Iračka sloboda“.

Donirana savremena oprema doprinijeće uspješnoj realizaciji godišnjeg plana uništenja NUS-a i MES-a na poligonu Glamoč i umnogome će biti smanjen rizik u realizacijama aktivnosti uništavanja ovih sredstava.

Isporuci opreme prisustvovali su predstavnici Odjela za odbrambenu saradnju Ambasade SAD u BiH (ODC), Brigade taktičke podrške i Glavne logističke baze OS BiH.

Ovo je do sada najvrijednija donacija koju je Vlada SAD donirala Oružanim snagama BiH.

<http://www.mod.gov.ba/bs/vijest.asp?id=2951>